

八十自述

錢大鈞

赴日遊學獻身革命

余字慕尹，江蘇吳縣籍，前清光緒十九年（公元一八九三年）六月十四日生於江蘇崑山縣真義鎮之雅涇村。余四歲隨父子美公居蘇州；六歲發蒙於私塾，由長兄誦堯教讀，十歲讀畢四書五經，即進入英華學校。旋轉學於新創之初等小學。越兩載，考入長洲高等小學。十五歲子美公棄養，乃隨次兄企文赴滬，因家道中落，兄命習商賈，以不合志趣而返蘇。十七歲母氏見背，偕仰周三兄自滬迎櫬歸，治喪甫畢，適各縣高等小學奉命選拔學生送考江蘇陸軍小學第四期，長洲小學保送四人錄取二，余與焉，是為余習軍事之發軔。在江蘇陸軍小學肄業甫兩年，值辛亥鼎革，學校停頓，遂赴滬投効學生軍。未幾，松江軍政分府鈕永健（惕生）先生創辦松軍幹部學校，余與同學蔡熙盛、薛鍊諸氏聯袂考入，半年卒業，奉派充弁目隊班長。時南京臨時政府與北京袁世凱成立和議，江蘇陸軍小學復校，余得回校補讀半年畢業，由是完成陸軍之基礎教育。

陸軍小學畢業後，即加入國民黨，同時回松軍任排長。值癸丑二次革命，余奉命率部進攻龍

華（上海市內），以數十人大破守軍而克之。略事整頓後即乘勝進攻高昌廟兵工廠，無奈彈盡糧絕，後援不繼，攻勢受挫，隨即退至嘉定，全軍解散。此為余從軍以來之初次作戰，得此機會磨練膽識，事雖不濟，亦足自慰。旋應鈕先生之邀經滬赴日，與戴季陶、馬素同寓鈕府，歷數閱月，備承教誨，沒齒難忘。時吾黨總理孫中山先生在東京創辦大森浩然學社，集我國革命青年志士於一堂，講授革命理論與國策，余遂加入，與同學八十餘人，朝夕切磋，受益匪淺。由於親承總理偉大革命思想之熏陶，余獻身革命之志益堅，故於民國三年國民黨改組為中華革命黨時，復宣誓加入。

民國三年第一次世界大戰爆發，日軍乘機攻取青島，我留日青年革命軍人，莫不義憤填膺，紛紛返國投効，余亦與焉。乃北洋政府之對德宣戰，徒託空言，歸國青年，率皆虛此一行。會陸軍部召集南方各陸軍小學之畢業生，至武昌南湖之陸軍第二預備學校受訓，余乃應召入學。

民國五年元月袁世凱稱帝，各軍校搜捕革命黨人甚急，余潛行赴滬；值雲南起義，浙江響應

，鈕先生亦在松江招集舊部，因往投之。其間一度因生活困迫，曾入時事新報館任譯員，未及一月，即辭去，仍奔走平湖、金山、上海間，助焦忠祖先生編練新軍。袁既死，黎元洪復出為總統，余得恢復學籍，奉召回校；五年十二月畢業，升保定陸軍軍官學校，編隸入伍生砲兵隊。六年四月復被選送日本士官學校，編入中華民國學生隊第十二期，八年六月畢業。至是始完成陸軍軍官教育，得竟初衷。

赴粵投効參加建軍

日本士官學校畢業後即束裝返國，奉派保定軍校第八期分隊長，陳誠、周至柔、羅卓英、胡伯翰等皆屬當時學生中之翹楚。直奉戰起，軍校停辦，迄九年十月在北京籌備復校，余與何柱國、毛福成、楊正治等同時奉命為籌備員；余等以北方軍閥徒知擁兵自雄，對軍校教育殊不重視，乃存求去之心。其時，革命志士雲集廣東，余遂於十年辭去軍校第九期砲兵隊長職，毅然赴粵，入粵軍第一師初任學兵營務官，尋調師部少校參謀，在職二年，先後參加西江戰役、贛州戰役

、討伐沈鴻英及討伐林虎戰役，凡此諸役之作戰計劃與作戰命令，多出余手。十二年升任中校參謀，旋入黃埔軍校練軍，並曾參加革命史上著名之兩次東征戰役。

中國國民黨於民國十二年初召開第一次全國代表大會於廣州，決議編組黨軍，成立軍官學校，以培養革命幹部。總理特任總統蔣公為校長，廖仲愷為黨代表。余於肇慶軍次，奉召晉省，謁見蔣公於南強兵船，公知余為留日後期同學，敘談既洽，即命余為籌備委員，同時受命參與籌備工作者，有王柏齡、王登雲、俞飛鵬、沈應時、鄧演達、簡作楨、胡樹森、嚴重、葉則英、顧葆臨、黃為材諸氏。設辦事處於廣州南堤，籌備約半年，考取學生四百八十人，以黃埔為校址，定名為中國國民黨陸軍軍官學校，以故總理實為本校之最高領袖。校中分設教授、訓練、管理、經理、政治、衛生等六部，王柏齡為教授部主任，葉劍英副之；李濟琛為訓練部主任，鄧演達副之；林振雄為管理部主任；周駿彥為經理部主任，俞飛鵬副之；戴傳賢為政治部主任，邵元冲副之；宋應昌為衛生部主任；何應欽為總教官。余任中校兵器教官，同時任中、少校教官者，有沈應時、顧祝同、劉峙、陳繼承、文素松、陸福廷、王俊、黃思基、黃香著等。新生入伍後，擇定六月十六日即總理廣州蒙難紀念日開學，實寓有深意耳。是日，總理親臨致訓；講述建軍動機，勗勉革命青年，要力學勤修，造就高深學問；發揚先烈以一當百的革命精神

，繼續先烈志願，而以救國救民，實行三民主義為己任。黨中先進譚延闓、胡漢民、于右任等皆參加典禮，情況盛極一時。

校長蔣公於開學後，一面督導學生勤事訓練，一面致力於黨軍之編組，命陸福廷、鄒競招募徐海一帶新兵，命陳果夫駐滬籌畫招募經費與運輸事務。首先成立教導第一團，命何應欽兼任團長；沈應時為第一營營長，旋依次成立第二營、第三營，以陳繼承、王俊分任營長。未幾，教導第二團成立，命王柏齡任團長，以顧祝同、林坤生、金佛莊分任第一、二、三營營長。嗣以何團長事繁，總教官一職，命余代理。是年十月，校本部設參謀處，余奉命任處長。每日由校長主持會報，出席者為余與何、王兩團長，蓋參謀處日常業務，大部為兩團之訓練、補給等事宜，而建軍之唯一特點，即在學校與部隊相結合，教育與戰鬥不可分，官生士兵凝為一體，精誠充溢，史例空前；黨於是有革命武力，兩次東征，首建殊勳，既奠定革命根據地，遂得從容籌策北伐之師矣。

兩次東征戰鬥經過

自陳炯明背叛總理，竊據東江，吾黨有肘腋之患。編練黨軍，固為北伐，而清除反側，以安定後方，則兩次東征，與肅清楊、劉，實皆為北伐與師前應有之序幕也。會陳逆有進擾廣州企圖，吾黨中央，遂於十四年一月，調粵軍第二軍許崇智部，湘軍譚延闓部，滇軍楊希閔部及本校

教導第一、二兩團討之，是為第一次東征。其時官兵皆富有革命意識，且深知革命武力必與民衆結合，而以民衆為後盾。軍中口號標語曰：「不拉伕，不擾民；愛國家，愛百姓。」并訂領連坐法，嚴為執行，全軍將士，咸知責任重大，率能躬行實踐，故軍行所至，人民箠食壺漿以迎；黨軍於攻佔潮、汕之前，幾如摧枯拉朽，所向無敵！其後棉湖一役，以寡勝衆，壯烈空前，充分發揮革命軍人忠勇奮鬥不畏犧牲之精神，蓋有自矣。

是役也，校長親臨教導第一、二兩團出發，命余為校本部參謀長，陳焯為參謀處長，文素松為管理處長。全軍經寶安、東莞至淡水，二月十四日與敵遭遇，一戰即將叛部擊潰，當攻城之際，第一團第一營營長沈應時負傷；我軍入城後，遭敵洪兆麟部反擊，第二團於小挫後擊退之。當晚，校長在淡水玉虛宮駐節，余陪侍在側，遵擬稿賞辦法及商討次日行軍作戰計劃，公身披黑呢大氅，雖勞累經日，而毫無倦容，商談至深夜始獲休息，但只假寐而已。翌日，校長令調沈應時為第二團團長，在療傷期間，命余代理；原任團長王柏齡則繼余任校部參謀長。部署既定，繼續前進，在羊場圍略有接觸，即於二月下旬經海、陸豐、揭陽而進佔潮汕。是時，敵仍據有興寧、五華、梅縣等城，兵力亦尚雄厚。逆軍總指揮林虎駐興寧，先與滇、桂軍密有勾結。因之，第一次東征後所以有回師廣州之役者，以滇、桂軍早有貳心故也。

三月上旬，林虎遣其勁旅王德慶、王振華、黃任寰等共三、四師之衆，南向河婆，經揭陽以襲潮、汕。我軍聞訊，當即出兵迎擊。時由校長指揮者，除本校兩團外，僅粵軍獨立第七旅許濟部。三月十四日教導第一團正面出棉湖，第二團左側面出鯉湖，許旅由右側前進。上午八時許，第一團經棉湖後遇敵數倍之衆，戰於紅湖，戰況空前激烈。敵一再由左右翼包圍，第一團苦戰不退，預備隊已全部參加戰鬥，死傷枕藉。敵包圍愈緊，而何團長應欽督部死守陣地，沉着指揮，不稍動搖。第二團於正午十二時行抵鯉湖，奉令停止待命，并任左側警戒。余乃令第二營營長劉堯宸率部渡湖警戒；下午一時許，劉營長報告右前方紅湖方面槍聲甚密，料係第一團已與敵激戰。余隨即渡湖與劉營長登山瞭望，斷定所報無誤。當以情況危急，不及請示，即權令劉營長迅速前進，擊敵側背，余亦親率第一、三兩營跟進。三時到達紅湖附近，敵方以側面縱隊向我第一團左翼包圍，劉營立即向敵攻擊，余則令第一、三兩營向左延伸，抄敵後背。未幾我第三營營長金佛莊襲佔敵黃任寰之師司令部，擒獲馬匹無算，其中若干機槍架經辨認爲我第一團所損失，由是乃確知第一團自上午八時起即已陷於苦戰。自劉營擊敵側背，右方槍聲漸疏，而我正面槍聲反密，戰至深夜始止。余乃命所部在原陣地徹夜警戒，同時設法與第一團覓取聯絡，至午夜接奉校長兩令，一爲第一團苦戰，飭速援救，蓋當時通信工具不良，徒步傳令誤時。幸我第二團已適機

馳援，正在激戰也。一爲預定十五日晨反攻，於聞得第一團方面礮聲時，一齊進攻。迨翌晨，劉營報告敵已潰退。余於是下令全團追擊，當日到達河婆。是時廣州出發之陳銘樞旅及警衛軍吳鐵城部，由歐陽駒率領之兩個團亦先後到達。第一團則因傷亡過重，在紅湖附近略事整頓，於次日續到。此棉湖戰役之大概情形也。黨代表廖仲愷先生曾盛讚此役爲討逆最壯烈戰事。第一團之堅忍苦戰，第二團之迅速赴援，以及陳、歐二部之適時到達，使敵有所顧忌，皆爲取勝之原因。

三月十八日，我軍由河婆向興寧前進，偵知林虎部健將李易標在興寧南部佈防。校長乃命警衛軍兩團由正面大道向興寧佯攻，而以主力教導第一、二團及陳部共六個團經周江圩向五華急進，我教導第一團於十九日傍晚到達五華城下，一晝夜間，行百餘里羊腸小道，殊非敵意料所及。敵守將王德慶一無戒備，第一團遂以術欺騙，一鼓衝入城中，敵倉皇遁走。興寧城離五華三十里，我第二團奉命，於二十日拂曉向該城進攻，余仍以劉營爲前鋒，中午抵興寧城之西郊，敵此時始悉我軍自五華而來。林虎閉城固守，檄調其李易標部回援；余命第一營增援第二營之右翼，攻奪南門，激戰至晚，敵援軍李易標部到達，右翼受挫，其時第二營營長劉堯宸負傷，遂命第一營營長顧祝同於原陣地指揮第一、二兩營作戰，是晚，校長召見陳旅長及余商討作戰方略，決於二十一日以第二團繼續攻城，陳旅攻神光山。計既定，翌晨分別按計劃進行，適天雨霧大，

敵我莫辨，陳旅以黃琪翔部一營進攻神光山，克之。我第二團併力攻城，第九連連長桂永清首先攻佔西門，全部隨即衝入，林虎向白馬潛逃。余於晚十時率同顧營長入城安民，翌日迎校長至。時第一團奉命繞攻梅縣，於二十二日克之。於是東江底定。是役我校長用兵神速，出敵意表，故有舍正用奇，避實擊虛之稱譽云。

十三年十一月中國國民黨總理孫中山先生應段執政祺瑞之請，北上共商國是，因身心交瘁，致患肝癌，醫藥罔效，不幸於十四年三月十二日在北京逝世。棉湖之役，興寧之役，皆在總理逝世之後，軍中密不發喪，洎攻克興寧，東江抵定，全軍乃縞素舉哀，開會追悼。伏念總理領導革命四十年，對黨內同志，莫不推誠相與，人亦莫敢侮之。獨陳逆炯明受恩最深，乃敢於總理親自北伐，師行在途之際，密與北洋軍閥勾結，反戈相向，故總理一生所深惡痛絕者，厥惟陳逆，今於東江底定，陳逆勢窮力蹙之日，祭告總理，是可上慰在天之靈矣。

興寧戰後，沈應時遵校長前命繼任教導第二團團長，余奉命回校編組第三團，並代理教育長及代行校長職務。一身兼負教育訓練重責，昕夕乾惕，誠未敢稍自暇逸也。

驅逐楊劉進駐潮汕

當十一年總理驅逐陳炯明於廣州時，滇、桂兩軍與有力焉，乃楊新閣、劉震寰等器小易盈，恃功而驕；盤踞廣州，聲勢甚囂。馴至陽奉

總理之命，陰結北方軍閥及東江陳逆以自重。迨黨軍建立，東征又奏功，遂不自安，而逆謀益亟。中央迫不得已，密令 校長回師討伐，時教導第一、二兩團，已併編為黨軍第一旅，任何應欽為旅長。別以粵軍陳銘樞旅、莫 雄旅、許 濟旅受 校長指揮，其駐在黃埔之教導第三團及第三期學生，則留備策應。大軍在廣州渡河，余以第三團長奉命趕赴海、陸、豐隨軍兼任參謀長。其時，滇、桂軍之部署僅欲保守廣州一隅，故大軍直抵龍眼洞，始與敵接觸，一舉而擊破之。前進至瘦狗嶺，又擊潰叛軍全師，進入廣州，敵紛紛繳械投降。滇軍胡思舜師正由從化回廣州，行至觀音山，亦被擊潰散。是為回師廣州之役，此役雖解決全部滇、桂軍，而東江陳逆殘部又乘我回師，獲得喘息而坐大矣。

本黨中央於肅清廣州後，任命 校長兼任廣州衛戍司令，並擴編黨軍；余之第三團與第一旅併編為第一師，何應欽任師長。以當時收編部隊編成第二師，任王懋功為師長，兼任衛戍司令部參謀長。即以第二師負衛戍任務。其時陳逆殘部陸續回竄老巢，東江一帶，幾完全入敵掌握，於是黨軍復有第二次東征之役， 校長奉命任東征軍總指揮，轄黨軍第一、二兩師及粵軍第一師；以何應欽、程 潛、李濟琛分任第一第二第三縱隊司令。敵以惠州為根據地，惠州四面環水，形勢險要，當第一次東征時，滇軍繞越惠州不攻，名為避免攻堅，實乃與逆預有默契也。逆軍憑恃天險，以為堅不可破，據為巢穴，以圖隨時進擾

我革命根據地。 校長以惠州不破，無以消滅頑敵，因決定先攻惠州，以第二師為攻城軍，我第三團為野戰軍，駐博羅警戒。十月十三日當攻城激戰之時，第四團團長劉堯宸奮勇爭先，不幸被敵機槍掃射陣亡，所部官兵憤激愈甚，終於破敵攻佔全城，首建大功，聲威所播，敵膽為寒矣。

惠州既克，全軍向海、陸豐前進，以我第三團為前衛。敵守將謝文炳為洪兆麟部勁旅，我於激戰後，十月廿二日克海豐。 校長為加迫攻擊，迅速結束戰爭，留第三團暫守海豐，向陸豐警戒，並派遣一營佔領汕尾。 校長親率第一師餘部進入公平圩，指向河婆前進。海豐東十餘里有赤岸河，寬三十餘公尺，水深不能徒涉，該處有赤岸橋，余以官兵連日苦戰，疲勞不堪，故未派遣防守該橋，不意敵熟悉地形，情報亦靈捷；廿三日晚謝文炳竟以所部四千人用密集縱隊循大道蜂湧來襲，幸我士氣旺盛，奮勇抵抗，我第二營唐營長同德殉職。戰至拂曉，我以機槍手榴彈併用，敵始不支潰退。余乃命令全軍發起追擊。至赤岸河橋畔，敵不及渡，紛紛繳械投降。是役，我以兩營千餘人襲敵倍之敵，賴官兵勇武用命，乃有此戰果。當日仍追敵至陸豐，更躡敵到達河婆。是時，河婆以北地區尚有敵頑抗，被我第二團擊滅。由河婆進向揭陽，敵仍作困獸鬥，我第一團擊破之，於是收復潮、汕，我軍進駐潮州。此外，尚有華陽橋之役，我野戰軍為馮軼裴師， 校長親自督戰。是役，陳炯明以主力猛烈反攻，勢甚危殆，賴 校長指揮若定，終獲勝利

。此為二次東征各戰役之梗概，陳逆自是澈底失敗，不復有死灰復燃之日。惟我劉團長堯宸、唐營長同德，均於是役為國捐軀，良可悼惜。

兩次東征，賴 校長用兵神速，全軍將士忠勇效命，遂得收獲豐碩戰果而大張革命聲勢，此實為整個革命繼往開來之重要契機也。

北伐清黨駐軍淞滬

對內打倒軍閥，對外反對帝國主義，為吾黨革命宗旨。 校長以東征奏凱，後顧無虞，決意興師北伐，以完成 國父遺志，乃於凱旋廣州後，擴充革命武力，統一軍事制度，將黨軍編為國民革命軍第一軍，任何應欽為軍長，兼潮汕善後督辦，仍兼第一師師長，任余為第一師副師長兼參謀長。民國十四年十二月何應欽免兼第一師師長，余奉命繼任，十五年元旦就職於潮州，嗣與王柏齡對調，余轉任第二十師師長。本師黨代表為曾擴情，政治部主任為鄧文儀，副師長為朱棠，參謀長則為曾則生，團長則有李 杲、王文翰、桂永清等。

時李宗仁、黃紹竑、白崇禧等平定廣西，兩廣統一之局告成，駐兩廣部隊，皆編為國民革命軍，積極準備北伐。中央任命 校長為國民革命軍總司令，於十五年七月九日宣誓就職。就職典禮在廣州東校場舉行，國民政府主席譚延闓授印，中央黨部代表吳敬恆授旗，余為會場警衛司令，躬與其盛，畢生難忘。

北伐開始，總司令親率雄師出發，以後方重

要，必求鞏固，遂以總參謀長李濟留守廣州，同時任余兼任廣屬警備司令負維持治安之責。

自民國十三年吾黨改組，總理採容共政策，准許中國共產黨以個人身份參加本黨組織，相約遵守本黨政綱政策，服從本黨紀律；乃共產黨包藏禍心，不守諾言，陰謀漸熾。泊北伐出師，潛於各地大肆活動，多方阻撓破壞。北伐軍事進展愈順利，共黨之擾亂亦愈甚！煽惑人心，發動工潮，無所不用其極！前方後方，莫不備受威脅，至十六年二、三月間，更肆無忌憚，本黨中央迫不得已，乃於四月初毅然下令清黨。是時，南京已克復，東南全部底定，惟本黨左傾份子受共黨之挑撥離間，竟造成寧漢分裂之局。余於廣州奉到清黨命令後，當即嚴密部署，以迅雷不及掩耳之手段，於四月十六日宣佈戒嚴，軍警密切配合，一晝夜之間，將共黨肅清，拘捕共黨份子八百餘人。即組織革命委員會，施行清查，視其危險程度之輕重，分別處置，無任無縱，廣屬賴以安堵，後方賴以鞏固。嗣以教導師陳嘉佑部在韶關縱容共黨，態度曖昧，總司令任余為北路總指揮，率師驅逐之，北江亦告安謐。又以駐贛州之張與仁部新編第一師，亦有異圖，余復奉命入贛，改編張部，派蔡熙盛接任師長。至是，余之北路軍兼領第二十師，及新編第一師，共有六團之衆。

十六年八月一日共黨份子賀龍（第二軍軍長）葉挺（第二十四師師長）朱德（南昌公安局局長兼第五路軍軍官教育團團長）等在南昌發

動武裝暴動，賀葉部二萬餘人經撫州、瑞金而至會昌，企圖經筠門嶺竄往粵東。余即率部於會昌阻截，在縣城以北與敵遭遇，我新編第一師奮勇將當面之敵擊潰後，即行追擊，因前進過遠，與左翼第二十師失却聯繫，形成空隙，致第二十師遭敵包圍而潰退，此役敵衆我寡，武器亦懸殊，作戰兩日夜無功，卒被竄往潮、汕，余部則經筠門嶺、定遠而至梅縣整頓。是時，總司令命黃紹竑之桂軍，陳濟棠之粵軍，馳援東江；余由梅縣出三河壩，向共軍朱德部進擊，朱不支竄至曲江，經范石生部收編為教導團，不久，朱又叛范北竄，逃至井崗山與毛澤東會合，編組為紅四軍，在江西開始騷擾。至我黃、陳二部，則經豐順至揭陽，與由汕頭西向之葉挺遭遇，激戰一晝夜，共軍覆沒，東江肅清，余奉令暫留梅縣。未幾，北路軍奉令撤銷，編為第三十二軍，余轉任軍長，軍轄暫編第三師，代師長為蔣超雄；第二十師，師長為蔡忠笏；第六十九師，師長為蔡熙盛。軍部參謀長為王尹西；政治部主任為賈伯濤。本軍旋奉命經閩、浙至滬待命。十七年初抵滬後，奉命兼任淞滬警備司令，旋又兼任上海市黨部常務委員及江蘇省政府委員等職。

民國十六年十月三日，中央特別委員會第五次會議議決，特任余為軍事委員會委員，并經國民政府於十月八日明令發表。

因寧、漢分裂，時局混亂，總司令蔣公為謀黨內團結，於八月間宣佈下野，北伐因而中挫，局勢因形岌岌，幸公俯順輿情，於十七年初

宣告復職，重振北伐之師，我軍於五月初進抵濟南時，遭日本駐屯軍橫加阻撓，公極力忍讓，繞道北進，終於是年六月克復平、津；十一月廿九日東北易幟，完成全國統一。

當我北伐軍出師之際，作戰及留守部隊，共只七個軍，總數不過十餘萬人，但於不到三年之間，將北方三大軍閥（吳佩孚、孫傳芳、張作霖）合共百餘萬之衆，一一擊破而實現北伐預期之目的，此一戰史上之奇蹟，實賴我總司令蔣公堅毅果敢而英明卓越之革命戰爭指導，暨國民革命軍全體將士奮勇犧牲之精神，有以達成之。

整軍編遣于役武漢

北伐軍克復平、津後，中央決意整軍，分區從事編遣，任余為第一編遣區主任，余於區內部隊之編遣，不敢稍有阿私；余之第三十二軍與第二十一師併編為陸軍整編第三師，轄三旅，余任師長，仍駐京滬一帶，設師司令部於蘇州，兼江南剿匪司令，致力清鄉事宜。本師副師長為陳繼承，參謀長為史之桂；第七旅旅長蔡忠笏，第八旅旅長韓德勤，第九旅旅長趙錦雯，該三旅所轄團長，則有胡伯翰、李仙洲、張良莘、賀光謙、趙能定、柏天民等。

十八年春，余調任總司令部總參議，會駐在武漢之第四集團軍將領胡宗鐸、陶鈞、夏威等於其長官李宗仁入京，白崇禧在平之際，擅自發兵驅逐湖南省主席魯滌平，釀成湘鄂事變。總司令親自督師西征，命余隨軍參與戎機，於四

月五月底定武漢後，余曾奉命至鄂北隨縣，招撫夏威部之李明瑞師，事既妥洽，復至襄陽盤桓數日，與西北軍石友三部有所聯繫，返武漢後，隨即奉命接收第四集團軍隨營軍官學校（校址在武昌右旗），改稱中央陸軍軍官學校武漢分校，任余為教育長。共有學生一千二百人，編成三個大隊，每大隊轄三中隊，另設砲、工兵各一隊，列為第七期。嗣又由魯道源部送來編餘下級軍官數百人，編為第四大隊。第一大隊長張雪中，第二大隊長陳大慶，第三大隊長李及蘭，第四大隊長蕭鍾鈺。大隊之上，設學生總隊，其總隊長人選，初為蔡熙盛，次為胡伯翰，後為晏道剛。至校本部高級人員：政訓處長為宋思一，辦公廳主任初為毛福成，後為薛鍊，教育處長為趙錦雯，總務處長為熊士達，後為顧毓基。經理處長為汪奇柏，後由許卓修代理。軍醫處長卓漱，後為張學東。

武漢分校第七期學生於十九年六月畢業，諸生平日皆勤奮向學，故成績甚佳。當第七期學生行將畢業之際，余奉命編練教導第三師，并任師長，故該期大部份畢業生皆分發該師擔任幹部，分校各級幹部，亦多調往該師任職，故團結鞏固，向心力強。分校續招第八期生，川、湘、鄂、蘇、贛等省之優秀青年，踴躍投考，其中大專學生為數甚多，經驗為甄選，錄取一千二百人，編成三個步兵大隊，蕭鍾鈺、劉仲荻、方天、胡松林等先後任大隊長。另砲、工兵各一隊。是年余奉派赴日本參觀秋季特別大演習，余為團長，王瑞華為副團長，秋操在福岡、岡山一帶舉行；回國後，基於參觀所得，對教育、訓練諸端，多所改進。

戰，令派胡伯翰為指揮官，率三個團前往參加，頗有戰績。中原之戰，既勝利結束，是師改稱為第十四師，余仍兼師長。未幾，中央命第十一師師長陳誠接任。本師全以軍校七期畢業生為幹部，素質特優。當時陳氏曾語余曰：「十四師人才濟濟，全國部隊無如此整齊者。」此後，陳氏勳業日隆，頗得力於是師幹部，余亦引以為慰也。余甫卸第十四師師長兼職，旋奉中央命兼任武漢要塞司令。要塞原有兵力不及三團，經余銳意編練，隨時補充，漸成勁旅。後要塞司令部撤銷，部隊改編為八十九師，余仍兼任師長，胡伯翰為副師長。迨武漢分校於二十一年春奉令結束，學生合併於南京本校時，該師交湯恩伯接長，余擢任第十三軍軍長，指揮第八十八（俞濟時）、第八十九及新編第三十三（馮興賢）等三師。軍部主要人員為參謀長李祖植，參謀處長劉仲荻、副官處長文心鈺、軍需處主任許卓修。

中外文庫之二十五 戴笠將軍和他的同志 喬一、二集壹佰肆拾元

第一集要目：虎穴游龍劉戈青。張家銓計擒酒井隆。淞滬指揮官楊蔚。胡子萍管人事交通。魏大銘建立通訊網。郝采蓮死裏逃生。王寶雲的悲壯故事。張秀君堅定沉着。張我佛立功異域。唐新與華中敵後工作。抗日硬漢張子奇。白世維一彈安華北。姜紹謨策反多奇謀。民運長才劉培初。汪祖華擅長訓練。書生法官沈維翰。邱開基促龍雲出兵抗戰。（定價柒拾元）

第二集要目：王撫洲策動經濟作戰。王兆槐勇於任事。勞建白忠誠正直。金遠詢任重三湘。陶一珊戰訓有方。郭履洲鐵胆佛心。執法隊長毛萬里。馬志超忠直可愛。王孔安萬里壯行。中美合作憶蕭勃。周念行話少年遊。游擊能手阮清源。沉毅篤實張為邦。英邁練達楊繼榮。朱若愚堅忍實幹。簡樸勤謹誠樸。黃加持取締幫會。王志超入死出生。吳景中政訓長才。王崇五進出山東。楊遇春膽識過人。李葉超多面才華。樂書田一愚公移山。吳安之錚錚鐵漢。謝鎮南報答知遇。羅敬殘而不廢。（定價柒拾元）一、二集合售壹佰肆拾元。

錢大鈞將軍（右二）偕夫人（右）與國畫家、國大代表劉芷薰先生（左二）合影。



錢大鈞「八十自述」插圖

（文見36頁）



蒙及（三左排二）田昆周（中排二）信忠吳與（四左排二）衛縵曹人詩大
風采文」石抱刁頁一十九見文）影合前宮拉達布薩拉在員官級高會員委藏
（「衛縵曹流